

Schweizer Alpen-Club SAC
Club Alpin Suisse
Club Alpino Svizzero
Club Alpin Svizzer



10. bis 17. Oktober 2015

Korsika - Solenzara


Teilnehmer:

Leiter

1	Hew Ueli
2	Meisser Patrick
3	Saxer Fabienne
4	Casutt Fabian
5	Disch Ciril
6	Hanselmann Vreni

Teilnehmer

1	Conzett Urs
2	Willi Roman
3	Clavdetscher Armin
4	Scherrer Sara
5	Sutter Stephanie
6	Flütsch Lea
7	Hartmann Sandro
8	Joos Jana
9	Hartmann Manuela
10	Burger Roman
11	Prader Alicia
12	Dönz Lisa
13	Prader Maura
14	Dönz Madlaina
15	Morina Qendrim
16	Jägli Gianna
17	Hanselmann Jasmin
18	Hanselmann Melanie



Schweizer Alpen-Club SAC
Club Alpin Suisse
Club Alpino Svizzero
Club Alpin Svizzer




Bericht Herbstlager 2015 Korsika

Samstag 10.09.15

Miär hend ünsch am 21:00 Uhr z Schiärsch ufem Bahnhof troffa, alles Gepäck verladä, sind in di Büs gsprungä und denn losgfarä. Der erscht Halt hemmer bimä Burgerking gmacht wos dua natürlü auu no leckeri Mitternachtspommes gää hed. Denn simmer wieter gfarä und der negscht Halt hend dua nümä ganz alli mitbercho, dua simmer nemli schoo über der Grenzä gsii.



Mit der Fähre ab Livorno nach Bastia




Sunntig 11.09.15

Womer duä z Livorno acho sind hemmer plus minus no 3 Stund müässä wartä bis mer duä entli uftz Schiff hend chönnä. Uf em Schiff acho hend duä alli eigentlich nu gä schlafä wella, das hed eigentlii au supper klappt und alli hend abiz schlafä chönnä, bis uf ünschä Busfahrer Ciril där hend d Franzosä nii schlafä glla. (Ein hoch auf unser Busfahrer); Nah 4 lengnä Stund uf em Schiff simmer dua uu froh gsii womer z Bastia wieder feschtä Bodä under dä Füäss ka hend. Leider hemmer nacher no guatii 2 Stund mit dem Bus bis zum Camping fahrä müässä. Dötä achoo hemmer nacher alli flissig dii Zält und d Chuchii ufgstellt. A paar sind no inz Meer gä badä und denn hends de au schoo bald amal Znacht gä (Spaghetti Bolognese). Nachär isch duä aber zimli zackig Nachtruä gsii.

Mentig 12.09.15

Miär hend alli midanand Zmorget gässä und denn hed dii Gruppä A abgwäschä und de hemmer der Klätterrucksack packt und hend ünsch in zwei Gruppä uftteilt. Di Guppä 1, dii besser klätterendä und di Gruppä 2, wo non ii so viel Erfahrig händ. Gruppä 1 isch inds Klät-

sac-jo prättigau



Schweizer Alpen-Club SAC
Club Alpin Suisse
Club Alpino Svizzero
Club Alpin Svizzer



tergebiät Sari gfahrä und dii Gruppä 2, hed schii richtig Cheesa uf d sockä gmacht. Nam klättärä simmer wieder heigfahrä und ufem wäg zrug hei isch dii Kochgruppä A no in dä Spar go ikaufä für dä Znacht. Es hed feini Äplermaggaronä gää und zum Dessert Coup parduz...mmmmh.



Am Montag Klettern in Chisa



auf unserem Camping Platz - Eucalyptus

Dsischtig 13.09.15


Am Morget frää hemmer wieder Zmorget ka und hend denn d Klättergebiät tüşchlet. Das heisst di Gruppä 1 isch denn ä Cheesa und di Gruppä 2 isch gä Sari gä klättärä. Lut der beschprächig womer de am Abet ka hend sind alli begeischeret gsii vo bednä Gebiät. Womer duä wieder ufem Camping gsii sind sind ä paar no inds Wasser gsprungä und denn heds denn gschwind ämal Znacht gä es hed vo der Gruppä B feini Hamburger und zum Dessert Schoggicreme gä, und wiä immer isches ä rächtä Gaumaschmaus gsii.



Im Klettergebiet Sari - Monte Santu



Sonnenaufgang auf dem Campingplatz



Schweizer Alpen-Club SAC
Club Alpin Suisse
Club Alpino Svizzero
Club Alpin Svizzer



Mittwoch 14.09.15

Miär sind ufgstandä und es hed us Chübbälä gleert, so isch denn leider z klättärä für dä Mittwoch usgfallä. Denn isch Ueli uft Idee choo das mer uf Bonifacio chönntend und dötä äbiz ind Stadt go shoppä. Miär sind denn guatii 2 Stund Busgfarä und denn achoo. Bonifacio isch ä wunderhübschii Stadt z underscht vo Korsika. Wommer dua ünschii shopping tour beendet händ simmer wieder zrug uf dä Camping gfarä und hend der rescht vom Tag mid arschlöchlä verbrungä. Znacht hed diämal di Gruppä C gmacht und isch wie immer alli z überzügä koo mimä feinä Riis Casimir und zum Dessert Himmeriicreme. Zu allem Erstunä hemmer duä no zuäwachs vo Lippi und der Eva berchoo.




In Bonifazi am Hause von Napoleon



zu untest auf Korsika der enge Hafen mit der Sardinienfähre

Donnstig 15.09.15

Plant weredn dii Bavella gsii aber womer duä dötä achoo sind, hedz eim fasch vort gäblasä. Denn simmer aber gliich kurz gä klättärä aber denn isches duä gliich z kalt gsii. Also hemmer nisch duä entschidä zum an ä Fluss go badä. Diä wo de doch no hend wellä klättärä sind mit Patrick und dem Vrenii mitgangä, di anderä hend bii Lippi der Eva, Ciril und Ueli no äbiz plantschä chönnä. Und am Schluss, der grossi Schock: Z Natel vo Sandro und der Sarä sind spurlos verschwundä. Nach langem Suächä hemmer nisch duä midem entschluss befasst dases gstollä choo isch (dii schwachä nümmts) und sind duä uf dä camping gfarä. Nachher hemmer nisch alli frisch gmacht und sind de inz negschtä Dorf gfarä go ä Pizzä ässä.



Schweizer Alpen-Club SAC
Club Alpin Suisse
Club Alpino Svizzero
Club Alpin Svizzer



Beim Baden im Fluss Sulinzara



Gianna – Stilgerechter Sprung


Freitag 16.09.15

Ä Idee wer gsii nomal in dii Bavella z gah aber denn hed Patrick gmeint das ds Wätter dötä non ii besser isch und soo hemmer nisch de entschidä in es anders Gebiät z gah. Womer düä nachem klättärä heii choo sind sind dii meischtä no goo badä und denn hemmer alles



Klettern im Bavellagebiet - Vacca





Schweizer Alpen-Club SAC
Club Alpin Suisse
Club Alpino Svizzero
Club Alpin Svizzer



abbrochä in dii büs verladä und sind denn nomal gä Pizzä ässä. Nachdem simmer wieder uf da Camping und hend no abiz gschlafä bevor mer de am



Blick zum Col de la Bavella

Samstig morget uf dä Heiwäg sind. Wieder 2 Stund bis uf Bastia und denn 4 Stund uf der Fährä und denn no der letschtii stuck vo Livorno bis uf Schirärsch. Dötä hend nisch alli hätzlii in Empfang gnu.



Ausfahrt aus dem Hafen von Bastia




Der Lotse wird abgeholt

Miär wettend ünsch alli ganz hätzlii bii allnä Leiter und auu em Vreni für das supper toll glungnä Lager bedankä.

Bericht:

Stefanie und Sara

sac-jo prättigau



Schweizer Alpen-Club SAC
Club Alpin Suisse
Club Alpino Svizzero
Club Alpin Svizzer



au revoir corse!